

反吾骨曳反羊逝反西嘶反音乳反上咆反步交反交龔反許殺  
反上瞋反莫蹠反下履反音敷反上肅反下鄙反下俚  
反下音反美反反鹿反下曠反下怯反上弱反下音反劫反反過反下隙反下  
反逆僻反反亦反上蹇反上踈反上頓反才醉反音咽反音喉反音過反音廁反音廁反音  
反反感反倉歷反上竦反上肩反上擯反必刀反音酷反音毒反音矯反音亂反音居反音  
反小躁反到則反則復反福音反福

顯揚聖教論卷第十二

卷二

無著菩薩造 大唐三藏法師玄奘奉 詔譯

攝淨義品第二之八

釋應知多種者 咀柁南曰

體釋文義法 起義難次師 說衆聽讚佛

略廣學勝利

論曰體者諸經體性略有二種謂文及義當

知文是所依義是能依如是二種摠名所知

境界

一 陳那師列

釋者略有五種應知一法二等起三義四釋

難五次第

文者略有六種一名身二句身三字身四語

五相六機請

名身者謂共了增語此復略說有十二種一  
 假名二實名三摠名四別名五隨義名六戲  
 說名七易名八難名九顯名十隱名十一略  
 名十二廣名假名者謂於內諸蘊立我有情  
 命者等名於外諸色立瓶衣車乘等名

實名者謂於眼等色等立根義等名摠名者  
 謂有情色受大種等名別名者謂佛友德友  
 青黃等名隨義名者謂質礙故名色領納故  
 名受能照能燒故名爲日如是等名戲論名  
 者如呼貧名富類是等如不觀於義施設彼  
 名易名者謂共所知想難名者謂翻於彼顯  
 名者謂其義易曉隱名者謂其義難曉如達  
 羅弭茶明呪略名者謂一字名廣名者謂多  
 字名  
 句身者謂依名字釋義滿足此復六種一不  
 滿句二滿句三所成句四能成句五序句六  
 釋句不滿句者謂文不究竟義不究竟更加

餘句方得成滿如說諸惡者莫作諸善者奉行善調伏自心是諸佛聖教若唯言諸惡則於文未足若復言諸惡者又於義未足若具言諸惡者莫作則二俱滿足是則名為第二滿句所成句者所謂前句待後句成如說諸行無常有起盡法生必滅故彼寂為樂此中

諸行無常是所成句由有起盡法句之所成立能成句者謂第二句以能成立第一句故序句者如言善人釋句者如言謂趣正丈夫字身者謂若究竟若不究竟名之與句二種所依四十九字

此中欲為名首名為句首句必有名若唯一

璧二

字則不成句又若有字名所不攝則唯字無名問何因緣故建立名等三種身耶答為領增語觸所生受故問名者何義答目種種事令世共知故又能令意作種種相故又由語言所傳述故謂之為名問句者何義答攝受於名究竟顯了不現見義故名為句問文者

何義答顯發名句故謂之文

如薄伽梵說增語增語路如是廣說增語者謂一切眾類共所立名增語路者謂眾類之欲能起彼故詞者謂彼相應語及與各別彼彼方言彼所依故名為彼路施設者謂分析一法建立多種彼所依處名為彼路欲即是

詞無有別欲此詞即是增語施設之路彼名身等略有六種依處一法二義三補特伽羅四時五數六處所彼廣分別如聞所成地語者者知略有八分謂上首美妙等由彼語言具足相應乃至常委分資糧等德故能說正法上首語者趣涅槃宮為先首故美妙語

者清美音故顯了語者文詞善故易解語者巧辯說故樂聞語者引法義故無依語者不依希望他信已故不逆語者言知量故無邊語者善巧多故是八種語當知略具三德一趣處德謂初一種二自體德謂次二種三加行德謂所餘種相應者謂名句文身次第善

璧二

三

解

安立故又依四種道理共相應故助伴者能成次第故隨順者解釋次第故清亮者文句顯了清淨故有用者善入衆心故相稱者如衆會故應順者稱法故引義故順時故常委分資糧者常修委修故名常委彼分者謂正見等資糧者是彼資糧故

相者謂諸蘊相應諸界相應諸處相應緣起相應處非處相應念住相應如是等相應言說或聲聞說或菩薩說或如來說是名為相機請者謂因機請問起於言說此復根等差別有二十七種補特伽羅應知此中由根差別故分成二種謂鈍根利根行差別有七種

謂貪行等如聲聞地說品類差別有二種謂在家出家願差別有三種謂聲聞獨覺菩薩可救不可救差別有二種謂涅槃法不涅槃法方便差別有九種謂已入正法未入正法有障礙無障礙已熟未熟具縛不具縛無縛種類差別有二種謂人及非人如是六文摠

攝爲四一所說謂名身等及相一分二分所爲謂機請攝二十七種補特伽羅三能說謂語言四說者謂佛菩薩及與聲聞如是一切六種相貌摠顯於文若滅一種義不顯了由能顯義是故名文

義者略有十種一地義二相義三作意義四與所義五過患義六勝利義七所治義八能治義九略義十廣義

地義者略有五地謂資糧地方便地見地修地究竟地又廣分別有十七地謂五識身相應地意地有尋有伺地無尋唯伺地無尋無伺地三摩四多地非三摩四多地有心地無

心地聞所成地思所成地修所成地聲聞地獨覺地菩薩地有餘依地無餘依地相義者當知五種一自相二共相三假立相四因相五果相如是五相若廣分別如思所成地復有五相一差別相二瑜伽相三轉異相四染汙相五清淨相此五種相當知如前

壁二

四

處處分別復有五相一所詮相二能詮相三此二相屬相四執著相五不執著相所詮相者謂相等五法如五法藏說能詮相者謂即於彼法依止名等為詮諸法自體差別所有言說此亦能顯遍計所執自體應知此遍計所執自體有種種名所謂亦名遍分別所計亦名和合所成亦名所增益相亦名虛妄所執亦名言說所顯亦名文字方便亦名唯音聲亦名無有體相如是等類差別應知此二相屬相者謂能詮所詮互相屬著遍計所執自體執所依止執著相者謂無始流轉一切愚夫遍計所執自體執及此隨眠不執著相者謂已見諦者如實了知遍計所執相及彼習氣解脫正分別知隨其所應分別如思所成地等

作意義者有七種作意謂了相等如前說若廣分別如聲聞地復有十智謂苦智集智滅智道智法智種類智他心智世俗智盡智無

生智若廣分別如聲聞地復有六識身所謂眼識乃至意識如前略釋若廣分別如五識身相應地及意地復有九種遍知謂欲繫見苦集所斷斷二遍知欲繫見滅所斷斷三遍知色無色繫見滅所斷斷四遍知欲繫見道所斷斷五遍知色無色繫見道所斷斷六遍知順下分結斷七遍知色愛盡八遍知無色愛盡九遍知若廣分別如三摩四多地又有三解脫門謂空無願無相此亦如三摩四多地廣說是中諸法應當觀察幾種作意之所思惟幾智所知幾識所識幾種遍知之所遍知幾解脫門之所解脫以如是等無量觀門應觀諸法處所義者略有三種一事依處二時依處三補特伽羅依處

事依處者復有三種一根本事依處二得方便事依處三愍他事依處根本事依處有六種一善趣二惡趣三退墮四升進五流轉六

寂滅得方便事依處者有十二種謂十二種行一欲行二離行三善行四不善行五苦行六非苦行七順退分行八順進分行九染汗行十清淨行十一自義行十二他義行愍他事依處有五種一令離欲二示現三教導四讚勵五慶慰

此中善趣者謂人天惡趣者謂那落迦等退墮者復有二種謂不方他及方他不方他者所謂自然壽命退滅如壽命當知色力財稱安樂辯等亦尔方他者謂族姓退滅自在增上退減少枝屬言不肅弊惡慧不能證獲微妙廣大色香味觸於諸勝妙所受用具心不

喜樂如是等類名爲退墮翻此退墮如其所應即名升進流轉者謂即此善趣惡趣退墮升進寂滅者謂有餘依無餘依寂滅界欲行者如十種欲所引中說離行者謂即於彼所受用事知無常已厭欲出家受持禁戒守護根門等善行者謂施戒修有漏善行不

善行者謂三種惡行苦行者謂露形無衣如是等乃至廣說非苦行者謂受用如法所得資具棄捨樂行遠離二邊所謂受用欲樂行邊及與受用自苦行邊勤行中道依止於法求衣鉢等及正受用順退分行者謂若行能障升進分等順進分行者謂與上相違染汗

壹二

六

行者如鸚鵡經說略有三種謂業雜染煩惱雜染流轉雜染當知此等有九根本句謂業雜染有三句一貪二瞋三癡煩惱雜染有四句謂四顛倒流轉雜染有二句謂無明及有愛所以者何由三不有根生起種種業雜染故由四顛倒能發種種煩惱雜染故由無明門引生種種諸出家者流轉雜染故由有愛門引生種種諸在家者流轉雜染故清淨行者略有三學五地此三學等當知亦有九根本句謂增上戒學增上心學所攝無貪無瞋無癡在資糧地及方便地增上慧學所攝四無顛倒明及解脫在見地修地及究竟地自

義行者謂自利行如聲聞獨覺彼雖或時起利他行然本期願為自利故亦名自義他義行者謂利他行如佛菩薩究竟利益無量眾生乃至廣說

令離欲者訶毀六種黑品諸行示現過患令離愛欲示現者為令受學白品行故示現四種真實道理教導者謂示現已得信解者令於學處正受正行由已於彼得自在故而告之曰汝等今者於如是如是事應正作應隨學讚勵者謂彼有情若於所知所行所得中心生退屈尔時稱讚策發彼心令於所知所行所得中堪有勢力慶慰者謂彼有情於法

卷二

七

隨法勇猛正行即應如實讚說令其欣喜復次令離欲示現者或有令離欲而不示現如教導他令其離欲而謂彼曰如其所言不應作者汝今必定不應復作或怖彼言汝若作者我當解作或復求彼汝若是我親愛友者必不應作或復示現不令離欲如處中者

示現有情功德過失而不遮彼今不造過或有亦示現亦離欲如示彼過令其遠離教導者初未受學令其受學讚勵者學已未進令其升進慶慰者有五種勝利一令彼於已所證心得決定二令餘於彼所證勝德起心趣求三令誹謗者心處中住四令不信者心生淨信五令已信者倍復增長若有慶慰他人善事當知是人造作增長能感悅意眾天生業若命終已彼彼所生常聞悅意美妙音聲無不悅意

復次欲行或有能感善趣如為欲故造後善業或有能感惡趣如以非法攝受諸欲離行行若毀犯能感惡趣若無毀犯能感善趣及作寂滅資糧善行能感善趣及為寂滅資糧不善行能感惡趣苦行由依邪見苦自身故能感惡趣非苦行能為寂滅資糧及感善趣順退分行能感退墮順進分行能感升進染汙行能感流轉清淨行能證寂滅自義行唯

令自己感善趣引升進證寂滅他義行俱令  
自他生善趣引升進證寂滅

如是三事根本事有六種所謂善趣乃至涅槃得方便事有十二種謂十二行悲愍他事有五種所謂五種悲愍衆生此中由根本事增上力故依十二行如其所應令他離欲乃至慶慰

時依處者略有三種一過去言依二未來言依三現在言依如經廣說

補特伽羅依處者謂鈍根等二十七種數取趣應知

如上所說事時補特伽羅佛薄伽梵依此三

處流布聖教故名依處

過患義者謂於應毀厭義而起毀厭或法或衆生

勝利義者略而言之於可稱讚義而起稱讚或法或衆生

所治義者略而言之切雜染行

能治義者謂一切清淨行如貪是所治不淨是能治瞋是所治慈為能治如是等盡當知略義者謂說諸法通種類義

廣義者謂說諸法別種類義

復次說不了義經故說了義經故

復次略義有二種一名略二義略廣義亦二

種謂名廣及義廣如薄伽梵說舍利子我能廣略宣說正法然悟解者甚難可得於彼經中長行文廣義略伽他義廣文略

為攝十義故說中間喞於南曰

諸地相作意 依處德非德 所對治能治

略廣義應知

復次如是略說佛教體性十種義已諸說法者應依聖教尋求十種若具不具既自求已應為他說

如是建立文義體性已諸說法者應以五相隨順解釋一切佛經謂初應略說法要次應說等起次應釋義次應釋難後應辯次第法

壁二

九

者略有十二種謂契經等十二分教

契經者謂縫綴義多分長行直說攝諸法體應頌者謂長行後諷頌及略舉所說不了義經記別者謂廣分別略所舉義及記命過弟子生處 諷頌者謂以句說或二句說或三四五六句等說

自說者謂不請而說為令弟子得勝解故為令上品所化衆生安住勝理自然而說名為自說如經言世尊今者自然宣說

因緣者謂因請問說如經言世尊於一時中因沒力伽羅子為諸苾芻宣說法要又依別解脫增上道毗奈耶所有言說謂依如是如

是因緣依如是如是事世尊說如是如是語是名因緣

譬喻者謂有譬喻經由譬喻故隱義明了本生者謂除本生宣說前際諸所有事諸本生事

方廣者謂說菩薩道如說七地四菩薩行等及說如來百四十不共佛法謂四一切種清淨乃至一切種妙智如菩薩地廣說又法無量故義深廣故時長遠故謂極勇猛經三大劫阿僧企耶方得成滿故名方廣

因希有事故起於言說

論議者謂諸經所攝摩怛履迦且如諸了義經皆名摩怛履迦所謂如來自廣分別諸法體相又諸弟子已見聖迹依自所證無倒顯示諸法體相亦名摩怛履迦摩怛履迦亦名阿毗達磨猶如世間一切書筭詩論皆有本

母當知經中研究法相所有言說亦復如是又如世間若無諸字本母字不顯了如是十二分教中若不建立諸法體相法不明了若建立已諸法自相共相皆得顯現又復能顯無雜法相故即此摩怛履迦名阿毗達磨依此摩怛履迦所餘解釋諸經義者亦名鄔波

壁三

十



第鑠 等起者略有三種謂事時補特伽

羅依處別故如經中說於如是時為如是補特伽羅依如是行令彼離欲乃至慶慰

義者略有二種一摠義二別義當知摠義復有四種一引了義經二分別事究竟三行四果行復二種謂邪行正行果亦二種謂邪行

果正行果當知別義亦有四種一分別差別名二分別自體相三訓釋名言四義門差別訓釋名言復由五種方便一由相二由自體三由業四由法五由因果義門差別亦有五種應知一自體差別二界差別三時差別四位差別五補特伽羅差別自體差別者謂色

自體有十色處差別受自體有三受差別想自體有六想差別行自體有三行差別識自體有六識差別如是等類自體差別應知界差別者謂欲界色界無色界時差別者謂去來今位差別者當知差別二十五種謂下中上三位苦樂不苦不樂三位善不善無記三

位聞思修三位增上戒增上心增上慧三位內外二位所取能取二位所治能治二位現前不現前二位及因果二位補特伽羅差別者如前所說二十七種應知

釋難者若自設難若他設難皆應解釋當知設難略有五因一為未了義得顯了故如言

第鑠

士

此文有何義耶二語相違故如言何故薄伽梵前後說異三理相違故如有顯示與四道理相違之義四不定顯示故如言何故薄伽梵於一種義種種異門差別顯示五究竟不可見故如言內我之體有何相貌而常恆不變自性正住如是等類

於此五難如其次第應當解釋謂於不了義難方便顯了於語相違難隨順會通如於語相違難隨順會通如是於不定顯示難究竟不可見難亦於理相違難或以黑教道理而判決之或復顯示四種道理或顯因果相應道理謂此言顯果或復顯因又於問難應

設四記決定記者謂為如理問者無倒建立諸法體相故分別記者謂為如理不如理問者開示差別相故反詰記者謂為止息戲諍論故默置記者有四種因謂無體性故乃至彼相法爾故如前已說若廣分別如思所成地又如有問如來滅後為有為無等此於世

俗諦及勝義諦理趣皆不可記是故默置以約勝義無如來故不可記別若約世俗所依能依道相違故及斷滅果非真實故亦不可記如來滅後是有無等

次第者略有三種一圓滿次第二解釋次第三能成次第為顯此三次第略引聖教如世尊言我出家時盛美第一盛美最極盛美此言即顯盛美圓滿次第又復說言曾處我父淨飯王宮顏容端正乃至廣說此言即顯盛美解釋次第又言為何義故盛美出家由見老病死等法故此言即顯能成次第又復經中略說諸法如言三受苦樂不苦不樂如是

等此中唯顯圓滿次第由所餘句圓滿此受故名圓滿如受應知四聖諦中先說初句後後次第隨順分拈亦亦能成次第有二種或以前句成立後句或以後句成立前句當知解釋次第亦亦

師者謂成就十法名說法師眾相圓滿一善

壁二

三

於法義謂於六種法十種義善能解了二能廣宣說謂多聞聞持其聞積集三具足無畏謂於刹帝利等勝大眾中宣說正法無有怯懼又因此故聲不嘶破腋不流汗念無忘失四言詞善巧謂語工圓滿八分成就言詞具足處眾說法語工圓滿者謂文句相應助伴等乃至廣說八分成就者謂上首美妙等乃至廣說五善方便說謂二十種善方便說如以時懇重等相六具足成就法隨法行謂不唯聽聞語言為極要如說行七威儀具足謂說正法時手足不亂不搖頭動眉口面支節無有改變進止去來端嚴庠序入勇猛精勤

謂常樂聽聞所未聞法於已聞法轉令明淨  
不捨瑜伽不捨作意心不捨離內奢摩他九  
無有疲厭謂為四眾廣宣妙法身心無倦十  
具足忍力謂罵弄訶責終不反報若被輕慢  
不生忿感乃至廣說

可喜樂言二善開發言三善釋難言四善分  
析言五善順入言六引餘證言七勝辯才言  
八隨宗趣言 五眾者一在家眾二出家  
眾三清淨信眾四邪怨眾五中平眾  
可喜樂言者有五種相應知一有證因二有  
譬喻三語業具足四文字句美五言詞顯了

善開發言者開深隱義令顯現故辯廣顯義  
令深遠故  
善釋難言者能善解釋五種難故如前應知  
善分析言者析一一法依增一道理乃至十  
種或復過此善分別故如依一法建立二種  
三種四念住等乃至廣說

善順入言者唯善顯釋契經應頌等十二分  
教終不引攝邪道異論  
引餘證言者謂引餘經成立所說  
勝辯才言者隨自所忍善分別義  
隨宗趣言者謂依摩怛履迦分別顯示或依  
餘無倒說者所說言教如理解釋

復次處在家眾應依毀諸惡行稱讚善行現  
前說法令其止息及進修故處出家眾應依  
增上戒等三學現前說法令彼速疾修圓滿  
故處淨等眾應依聖教廣大威德現前說法  
如其次第令倍增長令處中住令生淨信故

顯揚聖教論卷第十二  
弭茶上音弭下音茶分析下音先亮下音亮鈍下音鈍伺  
相寺下音寺四下音四詮下音詮勵下音勵弊下音弊數取下音數企耶下音企  
角縫上音角下音縫綴上音綴下音綴恒履上音恒下音履苾芻上音苾下音芻鑠上音鑠下音鑠詰上音詰下音詰  
嘶西音嘶腋亦音腋輕憊下音輕逮下音逮莫邃下音莫私遂下音私  
上丘上音丘反智反音智丘上音丘恒履上音恒下丁下音丁邸下音邸古鑠下音古詩下音詩若詰下音若起一  
嘶西音嘶腋亦音腋輕憊下音輕逮下音逮莫邃下音莫私遂下音私遂下音遂鑠上音鑠下鑠下音鑠捷下音捷俱下音俱步下音步企耶下音企